

### **3.0 Peraturan / Undang-undang Perkahwinan**

#### **3.1 Penyediaan *Thaali* (*Tjirumaanggalyam*)**

*Thaali* atau *Tjirumaanggalyam* merupakan lambang suci perkahwinan yang dikalungkan pada leher kedua-dua pengantin. Pada *thaali* itu diikat segumpal benang putih yang disapu dengan kunyit. Terdapat pelbagai jenis *thaali* yang digunakan oleh masyarakat India seperti *lingath thaali*, *pottut thaali*, *tenant thaali* dan sebagainya. Ini disebabkan terdapat pelbagai suku di kalangan masyarakat India. Adat penyediaan *thaali* ini dilakukan tujuh atau sembilan hari sebelum hari perkahwinan. Pihak lelaki akan membawa emas, cendana, kumkum, sirih pinang, kelapa dan bayaran untuk pembuat *thaali*. Ini adalah untuk memastikan tukang *thaali* mengetahui hari yang sesuai untuk membuat *thaali*. Tiga hari sebelum perkahwinan, *thaali* akan diambil dan diletakkan di tempat sembahyang atas suruhan pembuat *thaali*. Pihak pengantin adalah dilarang untuk menawar perkhidmatan yang dilakukan oleh pembuat *thaali*.